

't Kerkje van Ellesdiek



Oecumenische bieëênkomst
In de zevenden emel
15 maerte 2015



Uutleg bie de têkenienge.

Op de têkenienge is de blieschap uut'ebeeld. Dì za gin doad mì weze, gin rouw en gin piene, want wat a t'r eêst was is verbie.

Jopie Minnaard.

Liturgie Ellesdiek 15 maerte 2015

Thema: “In de zevenden emel”

Urgelmuziek (Bert Alderliesten)

Welkom (Jan Minnaard)

Uutleg bie de blommen Janny Geldof

(me gae stae)

Zienge Lied 513 vers 1 en 2 Nieuwe Liedboek

1. God ei et eêste woord,
Ie ei et licht ‘egeve,
et zò oôg an ‘eschreve
da’t elken ochen gloort.
2. God ei et eêste woord,
Ie noemden oans bie naeme
voe a m’ in ‘t leven kwaeme,
Zien woorden gae oans voor.

Durpelgebed (Rens Stobbelaar)

(me gae zitte)

Blokfluitduo Bert Alderliesten en Marianne Ton

Lezieng Openbaerieng 21: 1 – 6 (Clasien Rooze)

Blokfluitduo

Zienge

Gezang 75 vers 5 Liedboek voor de kerken

5. Jie bint et waeter van oans leven;
spriengwellen van den eêwigheid
ei God oans voe den dost egeve.
Voe tied van leven wig'eleid
bin Jie een welle - Jie ontspriengt
in ieder die a komt en drienkt.

Overdienkieng

Zienge

Gezang 115 Liedboek voor de kerken

1. Die op d'n troan za zègge:
'K maek' aolles overnieuw –
't lichblauw za 'k wee uutlègge,
d'n emel nieuw uutsniee.
En zò doe 'k ok mie d'aerde -
aol 't ouwe is verbie
en wat a t'r bezwaerden
vaol wig, gloôft dat mè vrie.
2. God ei den tied in anden:
elk einde en begun.
Gelegentid, verbanden,
dat aolles kom van Um.
De waereld an z'n voeten:
de ruimte, eêl 't bestaen.
Wat a t'N zeit, dat doet'N.
Dì staet 'N zelf voe in.

3. Et leven stroômt en spriengt ier.
Da's nie voe geld te koop,
mèr ei je dost, dan drienk j' ier
uut 's emels waeterloôp.
Et minne za ier telle
en 't zuvere is waer,
wan God is zelf de Welle.
Z'n roep is 'puur' en 'klaer'.

Voorbeden

(Anja Kopmels)
mie nae elke voorbede de acclamatie:



Oanze Vaoder

Ônze Vaoder in den emel
Joe Naem wor eheiligd
Je koninkriek za komme
Je wille za geschiede
zòwel in den emel as ok op d'aerde.
Geef ôns heden ôns daegelijks broôd
En vergeef ôns ônze schulden
Zòas ôns ok vergeve die ôns wat schuldig bin.
En brieng ôns nie in verzoeking
mae verlos ôns van et kwaeje.
Want van Joe is et koninkriek
en de kracht en de heêrlijkheid
tot in eêuwigheid.
Amen.

Blokfluitduo

Collectes

D'n eêsten is voe Focus 2 en de twidden voe de onkosten van de bieënkost.

In december was de opbriengst voe Focus 2 74,10 euro en voe de onkosten 65,05 euro

(me gae stae)

Zienge

Lied 513 vers 3 en 4

3. Toet 't leste toe: Gods woord -
eêl d'aerde za vol raeke
mie Zien vertrouwde spraeke,
gin mèn's die a 't nie oôrt.
4. God kom van eêst af in
toet in de varste varten
mie woorden in oanz' arte,
geef zin an oans bestaen.

Zegenbede

The musical notation is in 3/4 time and consists of three staves. Above the first staff are the chord symbols F, C, F, C, F. The lyrics are: Wees 'e - ze___ gend, op pad en on - der - weg, wees 'e - ze___ gend.

(me gae zitte)

Blokfluitduo

Slotwoord

De bieveenkomst is te beluusteren op www.ellesdiek.nl onder de kop Oecumene.

Ok kan je di de liturgie bekieke.

Wat a t'r de kommende tied in 't Kerkje te doen is

- zondag 22 maerte** 14.30 uur Ja, di gi me wee: lekker meezienge mie smartlappenkoor *Scharretjoe*. Toegank 8 euro
- zaterdag 28 maerte** 13.30 – 16.00 uur Open mirreg tentoanstellige *Anita Martens*.
- zondag 29 maerte** 14.30 uur *Dubbel D*. Zeêuwse muzikanten spele aolle tophits van *De Dijk*. Toegank 8 euro
- zaterdag 11 april** 13.30 – 16.30 uur Open mirreg tentoanstellige *Anita Martens*.
- zondag 12 april** 14.30 uur *Viva la Musica*, een Thools koor mie een rondreize deur Zeêland. Bie elke stop een lied en prachtige beelden. Toegank 8 euro
- zondag 19 april** 14.30 uur Oecumenische bieênkost mie een overdienkieng deur *Hannie Oele* en zang van het mannenkwartet *Mie z'n vieren*.